



Ti Tobwaia Ti Karikirakea

Ana Kaongora Ami

TautaeKa

Vol. 1 Issue 9 April 05, Thursday 2018



H.E Beretitenti Taneti Maamau ao te Moan Aine Madam Teiraeng Maamau n raonaki iroun te Minitita ibukin te Aono n Raina ae Hon. Mikarite Temari ma buuna ao ai te Manatia n te karikirake ae BSRP ae Mr. Taito Nakalevu imwiin kaukan te aobiti.

Kaukan ana aobiti MET i Kiritimati

Rongorongon te kaukuki aei ko kona ni warekia n iteraniba 2

Ana Kaongora Ami TautaeKa bon ana beba ni kaongoraa te TautaeKa are a koreaki inanona ana Motinnano, KV20 ao ana kamataata te TautaeKa. E katabangakaki man ana Aobiti Te Beretitenti i Bairiki, Tarawa, Kiribati. P.O Box 68 Bairiki Phone: 75021183 Email: tteabo@ob.gov.ki

Kaukan ana aobiti MET i Kiritimati

E KAUKAKI n te Katenibong te wiiki ae e nako (28 bongin Maati 2018) iroun Kautun Abara ae His Excellency Beretitenti Taneti Maamau, ana aobiti te MET ae e boou n te marae ni wanikiba ae Cassidy Airport i Kiritimati.

Aio te aobiti are e a manga moan kateaki kaua ao ni mwanenaki man Botakin Aban Eurobe rinanon te karikirake ae te BSRP Project (Building Safety and Resilience in the Pacific) ao ai te Tautaeaka ni Kiribati.

E kakoauaaki naba kaukan te kateitei aei iroun te Manatia man BSRP project ae Mr. Taito Nakalevu.

Katean aobitin te MET ae e boou aei e rangi ni kakawaki ibukin Kiribati ngkai ngaia teuana te aobiti are e na teimatoa n angaanga riiboti iaon tauan kanoan te bong ibukin kibakiban waanikiba nakon ao man

te Cassidy Airport....ao riki imwiin kinaakin te marae ni wanikiba aei bwa ai te International Airport.

E bon tei n onoti te aobiti ao ni kaainaki irouia niiman aobitia man te MET ake a mwakuri inanon te ngaina ma te bong ibukin katauraaoan kanoan boong ibukin te kibakiba n te Cassidy International Airport.

Rongorongo ni kabane ake a bane n reke man te MET Station ae e boou aei are a na bon kabonganaaki naba tiaki tii n iteran te kibakiba ma e na bon rang ibuobuoki naba nakoia kaain te aban ataakin kanoan te bong bwa e raoi ke e buaka ibukin te nako n akawa.....ao ai uana naba ma buokan aobitin Kabuanibwai aika Karina ke te National Disaster Officer ni kanakoi katanoata ni kakatauraoi imwaain rokon ang aika a korakora ake a kona n riki

taai aika a aki k a n t a n i n g a a k i (tropical depression), naao aika a korakora aote mwautakataka.

N ana taeka ni kaukuki Beretitenti Taneti Maamau ao e bon kaota kukureina ao ni kaaitau nakon te mwakuri ibukin katean te aobiti ae e rangi ni kakawaki ae e boou riki man ana boutoka European Union rinanon te karikirake BSRP iaon Kiribati.

“Rinanon ara reitaki ae e matoatoa inanon ririki ma ririki aoti a kona n te tai aio ni karikirakea ao ni kakorakora aron reitakira ni mwakuri n te aro bwa e na teimatoa te rikirake nakon abara ao te Betebeke,” e taku Beretitenti Taneti Maamau.

E kantaningaaki te aobiti ae e boou aei bwa e na buooka aron ana waaki ni

kakatauraoi Kiribati nakon kanganga n irekereke ma tauan kanoan boong.

“Ngaira ae bon kaaain Kiribati, ti a tabe ngkai n toui mwaneka aika ti na kakoouaa bwa abara e na bon aki kona ni mauna man kabuanibwai aika a karina ke Bibitakin Kanoan Boong,” e taku riki Beretitenti Taneti Maamau.

Te Minitita ibukin Karikirakean te Aono n Raina ma Rawaki ae Hon. Mikarite Temari e katereterea naba inanon te kaukuki bwa aobitiin Tauan Kanoan te Bong aei e na kakoroa nanon tuua ni kaineti ma tuan te mwamwananga n te aonnaba. Tiaki tii ngaia ma e reitia naba n taekinna bwa te mwakuri iaon kanimwan tauran te marae ni wanikiba aei e katauatauaki bwa e na tabwanin raoi imwaain tokin te ririki aei ao ike e nang manga tauraai ni kauka te kibakiba n te

bong naba.

Tiaki tii ngaia ma te waaki ni kateitei nakon Cassidy Airport ae e bon waaki naba n ikotaki naba ma tabeua karikirake ake a waaki naba ngkai ake ngaai bon kaotan ana mwakurimwaaka te Tautaeaka ibukin uarokoan te taakete ae 20 te ririki ke KV20 n te aro bwa e na rikirake te maeuraoi irouia kaain Kiribati. Inanon rokon Beretitenti Taneti Maamau iaon Kiritimati ao e bon reke naba ana tai ni kawarii uoua karikirake aika te Kiritimati Island Water Project ao ait e Kiritimati Islands Energy Sector Programme. Karikirake aikai ake a bon bane ni mwanenaki irouia te European Union ao te Tautaeaka n Nu Tiran.

E karairaki n okira Tarawa n te bong are imwiina H.E Beretitenti Taneti Maamau ma kaain ana tiim.

Cassidy International Airport MET Office was officially opened by H.E

THE CASSIDY Airport Meteorological Station in Kiritimati Island was officially opened Wednesday last week by His Excellency President Taneti Maamau, alongside Building Safety and Resilience in the Pacific (BSRP) Project Manager Mr Taito Nakalevu.

The rebuilding of the MET Station was identified by the European Union funded BSRP Project and the Kiribati Government as a key activity to support as it will strengthen operational support for Cassidy airport,

following its recognition as an international airport. The new MET Station is a standalone building that houses five MET Officers who work round the clock to provide clear weather forecasting to support air traffic movements.

The information gathered by the MET Station will also be used to guide those living in the outer islands on determining whether it is safe to venture out to open sea and it will also support the National Disaster Office in preparing for on-coming disasters such as

tropical depressions, storm surges and droughts.

Speaking at the opening HE President of Kiribati Taneti Maamau, said, ‘We are grateful and proud of the work supported by the European Union through Pacific Community implemented BSRP Project in Kiribati. Through our long-standing partnership throughout the years, we have been able to foster a healthy working relationship that allows for sustainable

development across the country and our region. This newly extended and refurbished MET Station further reinforces the fact that Kiribati is preparing for the future. We as Kiribati are taking steps towards ensuring that our nation won’t be wiped out by disaster or climate change’.

The Minister for Line and Phoenix Islands Development, Hon. Mikarite Temari, further stated, ‘The Cassidy Met Station will ensure that Kiribati meets its international aviation obligations and the Cassidy runway lighting

project will be completed before end of this year will provide night time landing for aircraft. In addition, the new Cassidy terminal building currently under construction, together with other projects currently being implemented, reaffirms the commitment of the Government, to develop Kiritimati Island in line with Kiribati Vision-20 (2016-2036) to improve the livelihood of the people of Kiribati.’

The EU Ambassador to Kiribati based in Fiji, H.E Julian Wilson, conveyed his warmest wishes and

Cont’d on page 3

Tiainaaki te boraraoi ma UNDP iaon karikirakean te karekemwane man te ben

Uarokoia kaain aon abamwakoro bwa a na mwaiti riki aia mwane man te ben

E A tia te Ministry of Commerce Industry & Cooperatives (MCIC) n tiaaina te booraraoi ma UNDP ibukin karikirakean te karekemwane man mwanen te ben iaon Kiribati.

E tiainaki te booraraoi aion iroun te Tia Koroboki n te MCIC ae Toani Takirua ao Bakhodir Burkhanov, te Director n te UNDP n mwangana are i Biiti n te namwakaina ae e nako.

Aio bon teuana mai buakon ana anga te MCIC n kakoroa nanon ana Motinnano te Tautaeke n Kiribati n ikotaki ma ana Kataratara Kiribati ibukin 20 te ririki (KV20) are ngaia ae e na kaitaraa te kainano ao man karikirakea kaubwain Kiribati bwa e aonga n riki Kiribati bwa te aba ae e rau, kaubwai ao n mwengaraoi n taai aika a na roko.

Te boto n iango iaan te

boraraoi aio e kaineti ma “Te Ikotaki n Mwakuri ibukin Kateimatoan ao Karikirakean Kaubwain Kiribati man te Mwakuri n Karikirake iaon te Ben n Anga aika a kakaokoro”.

Aio are e boboto iaon kakaean anga n karikiraken te ben irarikin ti te oro ben bwa e aonga n reke te anga n karekemwane nakoia kain Kiribati n abamwakoron nakon Kiribati.

A taaketenaki iai taan bwaibwai n te aroka ae te ben ao ai moarara riki ake i tinanikun Tarawa (iaon abamwakoron Kiribati) bwa a na kona n kakaea aia anga aika a kakaokoro n karekemwane man te ben irarikin te oroben.

Nikotaki ma aio aote

kantaninga bwa a na kona n irekereke iai boboti aika kakaokoro, bitineti, aine, te roronirikirake, mwauku ao ai ataei n te karikirake aio iaon te ben.

N ana maroro te Tia Koroboki man MCIC ae Toani Takirua ao e taekina bwa te ben bon teuana mai ibuakon oin maeun te I-Kiribati tiaki ti ibukin te amwarake ma ai bon te karekemwane.

“Teuana mai ibuakon ana kataratara ke ana kouru te Tautaeke n aron are emwaneweia n ana karikirake ke te Kiribati National Development Plan bwa e na karikirakea te anga n

karekemwane iaon Kiribati rinanon te karikirake iaon te ben bwa e aonga n uarereke te aki mwakuri ao te maeu n kainano irouia kain Kiribati,” e taku Toani.

“Nikotaki ma anne ao e kona naba n buoka n karikirakea te iokinibwai ao te kaneweaba iaon Kiribati.”

E reitia n taekina Bakhodir Burkhanov ma te UNDP bwa a na kataia n karekea te ibuobuoki man anaiki taian rabakau (knowledge and experience) man aba tabeua i tinanikun Kiribati ao man kabonganai rabakau aikai n buokiia iai taan tia ununiki n ikotaki ma taian bitineti ao ai taan iookinibwai n te ben iaon Kiribati n kauarerekea te aki mwakuri ao n karikirakea te

kamwengaraoi nakon Kiribati ae e bwanin.

“Te kantaninga bwa n tian te mwakuri aio ao a na kona te botannaomata n Kiribati n reke aia anga ni karikirake iaon mwakurian te ben ao ni kauarerekea te kainano irouia ma aia utu,” e taku Bakhodir.

E anga ana taeka n karabwarabwa Toani nakoia aba aika India, Brazil ao Aberika Maiaki ibukin mwanenakin te mwakuri aio n te mwaiti n mwane ae \$315,000 USD ao ai te UNDP are ngaia e tararua aron te mwakuri aio (executing agency).

Te kantaninga bwa e na waaki te mwakuri iaon aei inanon Eberi ke Meei n te ririki aio, 2018.

Cassidy International Airport MET Office was officially opened by H.E President Taneti Maamau

congratulations to the HE President Taneti Maamau on the opening of the MET Station. “The MET station and other disaster risk reduction measures that the EU has been supporting through the BSRP project, reduces the country’s vulnerability to natural disasters. More resilient communities allow Kiribati to focus more on development activities and be less affected by disasters when they strike,” he added.

Apart from the MET Station, the BSRP Project is working with the Kiribati Disaster Risk Management office to implement several other activities, some of which include the review of the national disaster act, the establishment of Island

Disaster Committees and the establishment of a National Emergency Coordination Centre.

“The BSRP Project takes a national approach to disaster resilience, the work we do focuses on strengthening the foundation of a nations approach to disaster as well as improving the operational systems to withstand the impact of future disasters. This MET Station will play a fundamental role in disaster preparedness which ultimately contributes to increasing Kiribati disaster resilience.” BSRP Project Manager, Mr Nakalevu said.

The new MET Station building, cost the project AUD 90,000. The MET Station was supplied with MET Equipment by the Finnish-Pacific (FINPAC) Project with the support of Secretariat of the Pacific Regional Environment Programme (SPREP). The equipment included, A n e m o m e t e r , B a r o m e t e r , thermometers and the FINPAC is also organising a technical assistant from the National Institute of Water and Atmospheric

Research (NIWA) in New Zealand install the equipment and provide training to technical staff. During his time in Kiritimati Island, the President also visited the Kiritimati Island Water Project and the Kiritimati Island Energy Sector Programme sites. Both projects are jointly funded by the EU and the Government of New Zealand that support the Line and Phoenix Integrated Development Strategy 2016 - 2036 in developing the supporting infrastructure in the water and energy sectors. The Kiritimati Island Water Project, implemented by SPC in partnership with the

Government of Kiribati, aims to provide safe and sustainable drinking water to communities. . The President visited the newly constructed Decca-London water supply infrastructure.

The Kiritimati Island Energy Sector Programme aims to provide improved access to affordable, reliable and clean energy on the island. The president visited the new solar diesel hybrid power station near London which will power most households on the island and is nearing completion.

Both the projects will officially be opened in May 2018.

Tei te 'Peace Commission' ibukin KUC ao KPC

E A tabwanin ngkai aron katean rabwatan te Komition ibukin te Rau ao te Mweraoi imarenan KUC ao KPC ao ni kinaaki n arana ae te Peace Commission ma imwiin katueeakiia kaaina n te Katenibong 4 bongin Eberi 2018.

E karaoaki te tua aei n ana boardroom ana Aobiti te Beretitenti ao ni kakoauaaki iroun OIC/Tia Koroboki nakon Kabineti ae

Maryanne Mikaere Namakin ao n reitaki ma temanna man ana Aobiti te Tia Kaeti Tua. Te Tia Babaire n te Peace Commission aei bon Baraniko Baaro ao ana Kauoman n Tia Babaire bon Rutiano Benetito. Bon iai kaka uoman kaain te Komition ake a tei man Aaro aika te KUC ao KPC bwa Reverend Ata Etekia ao Maleta Tenten ma te Kiribati Uniting Church ao ai Brian Ritang ao Makaea Amara man te Kiribati

Protestant Church. A raonaki kaain te Komition aikai iroun te Legal Advisor ao te Senior State Attorney ae Nei Tumai Timeon ao ai te Tia Koroboki n te Komition aei ae Moote Korina.

E kantaningaaki te Komition aio bwa e na karaoa te kakae iaon kanganga ma waaki ake a rootaki iai Aaro aika KPC ao



Te Tia Babaire n te Peace Commission ae Baraniko Baaro ngke e tuae ibukin karaoan raoi tibwanga

KUC ao ni kawenei ana kukune ma ana iango nakon Kabineti bwa a na kanga n taobaraaki kanganga akanne n te aro ae e rangi n rau bwa e

aonga n teimatoa reken te rau ao te mweraoi nakoia ao man teimatoa te aro n ikarinerine ao n itangitangiri bon imarenaia.

Eutakirakeaki Kiribati Customs Office ao Correctional Services ibukin karaoan raoi tibwangaia ibukin Kiribati ao te Botannaomata

KO TAKU bwa tautia ngkana ko nooria ma ngkana ko bon kinaiia raoi ao ngaia bon taan mwakuri n te Kiribati Customs Office ao ai te Correctional Service ake a kinaaki ngkoa bwa Prison ngaia.

Aei kanoan ana

bitaki te Botaki ni Mwakuri ibukin te Tua are e a waakinna n te tai aei nakoia ana Botaki ni Mwakuri ake a mena iaana n aron te Kiribati Customs Office ao ai te Correctional Services ao aei are e kakoauaaki ngkai man bitakin tein aia kabooraoui are a kauka

kabonganaakina man aia botaki ni katekeraoa bwainakin aia kabooraoui aei n tairikin te Kabong te wiiki ae e nako.

E taku Birimwaka bwa aikai bon ana iango te Minitita ibukin te Tua ni

kataan kabirimwaakan taian bitaki nakon ana rabwata ni mwakuri aika a kakawaki aikai ibukin te Tautaeke ao te Botannaomata ngkai a kakoauaaki bwa a mena i moa n taainako ibukin totokoan karaaian ma rinnakon kaako ma bwaai aika a taburoroko karokoia ao ai uana naba ma tarauaakiia koraki ake a kuneaki ni karaoui mwakuri aikai, ao aei are a kantaningaaki bwa a na waekoa n irarake te kiba nakon te rikirake n aron are e uaiakinaki ngkai iaan ana kataratara ae e ananau te Tautaeke ae KV20.

“Ti kakooua bwa ngkai e tabe te Tautaeke ni karikirakea aron te mwamwananga nako tinaniku ao aei ae e kakawaki bwa e na riai n taraia raoi te Kiribati Customs Office bwa e na bon kooningning naba aron aia taraua iaon karaaian bwaai ma kaako ae a uouotaki irouia bwatintia ao n te tai naba anne ngkana iai bwatintia aika a kuneaki n uoti bwaai

ke kaako aika a taburoroko ao a na waekoa naba kaain te Correctional Services n tauia aomata aikai ao ni kaawakinia imwaain kateakiia n te Kaboowi,” e taku Birimwaka.

E taku naba bwa man bwainakin kabooraoui aika a boou aikai are e na karina naba te ang ae e boou ao ni bon kakoaua raoi taan mwakuri bwa tabeia ae a mwakuri iai e bon rangi ni kakawaki ibukin te Tautaeke ao te Botannaomata.

E bon anga bwanaana ni katekeraoi te Minitita ae e rine ae Natan Teewe ao man kaungai nanoia taan mwakuri aikai bwa a riai ni bitaki n te tai aei ngkai e a bitaki aia kabooraoui ao man tauraoi ni kaekai waaki ni kakaewenako ibukin karaoan raoi tibwangaia ngkai e tabe te Tautaeke ni waaki ni kakoro kanoan ana motinnano ao ana kataratara ae e ananau ibukin te 20 n ririki ke KV20.



Anganaki te babaire ae tii te tikina ma aron tein aia kabooraoui. Ake a mainaina bon Correctional Services ao Kiribati Customs Office ake a buru